## 0.1 kīţāgirisuttam

- 1. evam me sutam ekam samayam bhagavā kāsīsu cārikam carati mahatā bhikkhusanghena saddhim. tatra kho bhagavā bhikkhū āmantesi: aham kho bhikkhave annatreva rattibhojanā bhunjāmi, annatra kho panāham bhikkhave rattibhojanā bhunjamāno appābādhatanca sanjānāmi appātankatanca lahutthānanca balanca phāsuvihāranca. etha tumhepi bhikkhave annatreva rattibhojanā bhunjatha, annatra kho pana bhikkhave tumhepi rattibhojanā bhunjamānā appābādhatanca sanjānissatha appātankatanca lahutthānanca balanca phāsuvihārancā'ti. evambhanteti kho te bhikkhū bhagavato paccassosum. atha kho bhagavā kāsīsu anupubbena cārikam caramāno yena kītāgiri nāma kāsīnam nigamo tadavasari. tatra sudam bhagavā kītāgirismim viharati kāsīnam nigame.
- 2. tena kho pana samayena assajipunabbasukā nāma bhikkhū kīţāgirismim āvāsikā honti. atha kho sambahulā bhikkhū yena assajipunabbasukā bhikkhū tenupasankamimsu. upasankamitvā assajipunabbasuke bhikkhū etadavocum: bhagavā kho āvuso annatreva rattibhojanā bhunjati bhikkhu sangho ca, annatra kho panāvuso rattibhojanā bhunjamānā appābādhatanca sanjānanti appātankatanca lahutthānanca balanca phāsuvihāranca. etha tumhepi āvuso annatreva rattibhojanā bhunjatha, annatra kho panāvuso tumhepi rattibhojanā bhunjamānā appābādhatanca sanjānissatha, appātankatanca lahutthānanca balanca phāsuvihāran-

cā'ti. evam vutte assajipunabbasukā bhikkhū te bhikkhū etadavocum: 'mayam kho āvuso sāyanceva bhunjāma pāto ca divā ca vikāle. te mayam sāyanceva bhunjamānā pāto ca divā ca vikāle appābādhatanca sanjānāma appātankatanca lahutthānanca balanca phāsuvihāranca, te mayam kim sanditthikam hitvā kālikam anudhāvissāma, sāyanceva mayam bhunjissāma pāto ca divā ca vikāle'ti. yato kho te bhikkhu nāsakkhimsu assajipunabbasuke bhikkhū sannāpetum. atha yena bhagavā tenupasankamimsu. upasankamitvā bhagavantam abhivādetvā ekamantam nisīdimsu, ekamantam nisīnnā kho te bhikkhū bhagavantam etadavocum.

"idha mayam bhante yena assajipunabbasukā bhikkhū tenupasankamimha. upasankamitvā assajipunabbasuke bhikkhū etadavocumha: 'bhagavā kho āvuso aññatreva rattibhojanā bhuñjati bhikkhusangho ca, aññatra kho panāvuso rattibhojanā bhuñjamānā appābādhatanca sanjānanti appātankatanca lahutthānanca balañca phāsuvihārañca. etha tumhepi āvuso aññatreva rattibhojanā bhuñjatha, aññatra kho panāvuso tumhepi rattibhojanā bhunjamānā appābādhatanca sañjānissatha, appātankatanca lahutthānanca balañca phāsuvihārañcā'ti. evam vutte bhante assajipunabbasukā bhikkhū amhe etadavocum: 'mayam kho āvuso sāyanceva bhunjāma pāto ca divā ca vikāle. te mayam sāvanceva bhunjamānā pāto ca divā ca vikāle appābādhatañca sañjānāma appātankatañca lahuţthānañca balañca phāsuvihārañca, te mayam kim sandiṭṭhikaṃ hitvā kālikaṃ anudhāvissāma, sāyañceva mayaṃ bhuñjissāma pāto ca divā ca vikāle'ti. yato kho mayaṃ bhante nāsakkhimha assajipunabbasuke bhikkhū saññapetuṃ. atha mayaṃ etamatthaṃ bhagavato ārocemā"ti.

- 4. atha kho bhagavā aññataraṃ bhikkhuṃ āmantesi: ehi tvaṃ bhikkhu mama vacanena assajipunabbasuke bhikkhū āmantehi, satthāyasmante āmantetī'ti. evambhanteti kho so bhikkhu bhagavato paṭissutvā yena assajipunabbasukā bhikkhū tenupasaṅkami. upasaṅkamitvā assajipunabbasuke bhikkhū etadavoca: 'satthāyasmante āmantetī'ti. evamāvusoti kho assajipunabbasukā bhikkhū tassa bhikkhuno paṭissutvā yena bhagavā tenupasaṅkamiṃsu. upasaṅkamitvā bhagavantaṃ abhivādetvā ekamantaṃ nisīdiṃsu. ekamantaṃ nisinne kho assajipunabbasuke bhikkhū bhagavā etadavoca,
- 5. 'saccaṃ kira bhikkhave sambahulā bhikkhū tumhe upasaṅkamitvā etadavocuṃ: bhagavā kho āvuso aññatreva rattibhojanā bhuñjati bhikkhusaṅgho ca. aññatra kho panāvuso rattibhojanā bhuñjamānā appābādhatañca sañjānanti appātaṅkatañca lahuṭṭhānañca balañca phāsuvihārañca, etha tumhepi āvuso aññatreva rattibhojanā bhuñjatha, aññatra kho panāvuso tumhepi rattibhojanā bhuñjamānā appābādhatañca sañjānissatha appātaṅkatañca lahuṭṭhānañca ba-

bjt page 238 x 238

pts page 475 q 475

lañca phāsuvihārañcā'ti. evam vutte kira bhikkhave tumhe te bhikkhū evam avacuttha: 'mayam kho āvuso sāyañceva bhuñjāma pāto ca divā ca vikāle, te mayam sāyañceva bhuñjamānā pāto ca divā ca vikāle, appābādhatañca sañjānāma appātaṅkatañca lahuṭṭhānañca balañca phāsuvihārañca, te mayam kim sandiṭṭhikam hitvā kālikam anudhāvissāma, sāyañceva mayam bhuñjissāma pāto ca divā ca vikāle'ti. evambhante.

kinnu me tumhe bhikkhave evam dhammam desitam ājānātha. yam kiñcāyam purisapuggalo paţisamvedeti sukham vā dukkham vā adukkhamasukham vā, tassa akusalā dhammā parihāyanti, kusalā dhammā abhiyaddhantī'ti. no'hetam bhante, nanu me tumhe bhikkhave evam dhammam desitam ājānātha, idhekaccassa evarūpam sukham vedanam vediyato<sup>1</sup> akusalā dhammā abhivaddhanti. kusalā dhammā parihāyanti. idha panekaccassa evarūpam sukham vedanam vediyato akusalā dhammā parihāyanti. kusalā dhammā abhivaddhanti. idhekaccassa evarūpam dukkham vedanam vedivato akusalā dhammā abhivaddhanti. kusalā dhammā parihāvanti. idhapanekaccassa evarūpam dukkham vedanam vediyato akusalā dhammā parihāyanti. kusalā dhammā abhivaddhanti. idhekaccassa evarūpam adukkhamasukham vedanam vediyato akusalā dhammā abhivaddhanti, kusalā dhammā parihāvanti. idha panekaccassa evarūpam adukkhamasukham vedanam vediyato akusalā dhammā parihāyanti. kusalā dham-

<sup>&</sup>lt;sup>1</sup>vedayato (machasam, syā)

5

mā abhivaddhantīti evambhante.

- 7. sādhu bhikkhave mayā'cetaṃ bhikkhave aññātaṃ abhavissa adiṭṭhaṃ aviditaṃ asacchikataṃ aphassitaṃ paññāya: idhekaccassa evarūpaṃ sukhaṃ vedanaṃ vediyato akusalā dhammā abhivaḍḍhanti. kusalā dhammā parihāyantīti. evamahaṃ ajānanto'evarūpaṃ sukhaṃ vedanaṃ pajahathā'ti vadeyyaṃ, api nu me etaṃ bhikkhave patirūpaṃ abhavissā'ti. no hetaṃ bhante, yasmā ca kho etaṃ bhikkhave mayā ñātaṃ diṭṭhaṃ viditaṃ sacchikataṃ phassitaṃ paññāya, idhekaccassa evarūpaṃ sukhaṃ vedanaṃ vediyato akusalā dhammā abhivaḍḍhanti, kusalā dhammā parihāyantī'ti. tasmāhaṃ 'evarūpaṃ sukhaṃ vedanaṃ pajahathā'ti vadāmi.
- 8. mayā'cetaṃ bhikkhave aññātaṃ abhavissa adiṭṭhaṃ aviditaṃ asacchikataṃ aphassitaṃ paññāya: idhekaccassa evarūpaṃ sukhaṃ vedanaṃ vediyato akusalā dhammā parihāyanti, kusalā dhammā abhivaḍḍhantī'ti. evamahaṃ ajānanto 'evarūpaṃ sukhaṃ vedanaṃ upasampajja viharathā'ti. vadeyyaṃ. api nu me etaṃ bhikkhave patirūpaṃ abhavissāti. no hetaṃ bhante. 'yasmā ca kho etaṃ bhikkhave mayā ñātaṃ diṭṭhaṃ viditaṃ sacchikataṃ phassitaṃ paññāya idhekaccassa evarūpaṃ sukhaṃ vedanaṃ vediyato akusalā dhammā parihāyanti, kusalā dhammā abhivaḍḍhantī'ti. ta-

bjt page 240 x 240

pts page 476 q 476

smāham evarūpam sukham vedanam upasampajja viharathā'ti vadāmi.

- 9. mayā'cetaṃ bhikkhave aññātaṃ abhavissa adiṭṭhaṃ aviditaṃ asacchikataṃ aphassitaṃ paññāya: idhekaccassa evarūpaṃ dukkhaṃ vedanaṃ vediyato akusalā dhammā abhivaḍḍhanti, kusalā dhammā parihāyantī'ti. evamahaṃ ajānanto 'evarūpaṃ dukkhaṃ vedanaṃ pajahathā'ti vadeyyaṃ. api nu me etaṃ bhikkhave patirūpaṃ abhavissāti. no hetaṃ bhante. 'yasmā ca kho etaṃ bhikkhave mayā ñātaṃ diṭṭhaṃ viditaṃ sacchikataṃ phassitaṃ paññāya idhekaccassa evarūpaṃ dukkhaṃ vedanaṃ vediyato akusalā dhammā abhivaḍ-ḍhanti, kusalā dhammā parihāyantī'ti. tasmāhaṃ evarūpaṃ dukkhaṃ vedanaṃ pajahathāti vadāmi.
- 10. mayā'cetaṃ bhikkhave aññātaṃ abhavissa adiţţhaṃ aviditaṃ asacchikataṃ aphassitaṃ paññāya: idhekaccassa evarūpaṃ dukkhaṃ vedanaṃ vediyato akusalā dhammā parihāyanti, kusalā dhammā abhivaḍḍhantī'ti. evamahaṃ ajānanto 'evarūpaṃ dukkhaṃ vedanaṃ upasampajja viharathā'ti. vadeyyaṃ.'api nu me
  etaṃ bhikkhave patirūpaṃ abhavissā'ti. no hetambhante. 'yasmā ca kho etaṃ bhikkhave mayā ñātaṃ diţţhaṃ viditaṃ sacchikataṃ phassitaṃ paññāya idhekaccassa evarūpaṃ dukkhaṃ vedanaṃ vediyato akusalā dhammā parihāyanti, kusalā dhammā abhivaḍḍhantī'ti. tasmāhaṃ evarūpaṃ dukkhaṃ vedanaṃ upasampajja viharathā'ti vadāmi.

- 11. mayā'cetaṃ bhikkhave aññātaṃ abhavissa adiţţhaṃ aviditaṃ asacchikataṃ aphassitaṃ paññāya: idhekaccassa evarūpaṃ adukkhamasukhaṃ vedanaṃ vediyato akusalā dhammā abhivaḍḍhayanti, kusalā dhammā parihāyantī'ti. evamahaṃ ajānanto 'evarūpaṃ adukkhamasukhaṃ vedanaṃ pajahathā'ti vadeyyaṃ. 'api
  nu me etaṃ bhikkhave patirūpaṃ abhavissā'ti. no hetambhante. 'yasmā ca kho etaṃ bhikkhave mayā ñātaṃ diţṭhaṃ viditaṃ sacchikataṃ phassitaṃ paññāya idhekaccassa evarūpaṃ adukkhamasukhaṃ vedanaṃ vediyato akusalā dhammā abhivaḍḍhanti, kusalā dhammā parihāyantī'ti. tasmāhaṃ evarūpaṃ adukkhamasukhaṃ vedanaṃ pajahathā'ti vadāmi
- 12. mayā'cetaṃ bhikkhave aññātaṃ abhavissa adiṭṭhaṃ aviditaṃ asacchikataṃ aphassitaṃ paññāya: idhekaccassa evarūpaṃ adukkhamasukhaṃ vedanaṃ vediyato akusalā dhammā parihāyanti, kusalā dhammā
  abhivaḍḍhayantī'ti. evamahaṃ ajānanto'evarūpaṃ adukkhamasukhaṃ vedanaṃ upasampajja viharathā'ti vadeyyaṃ. 'api nu me etaṃ bhikkhave patirūpaṃ abhavissāti. no hetaṃ bhante. 'yasmā ca kho etaṃ bhikkhave mayā ñātaṃ diṭṭhaṃ viditaṃ sacchikataṃ phassitaṃ paññāya idhekaccassa evarūpaṃ adukhamasukhaṃ vedanaṃ vediyato akusalā dhammā parihāyanti, kusalā dhammā abhivaḍḍhantī'ti. tasmāhaṃ evarūpaṃ adukhamasukhaṃ vedanaṃ upasampajja viharathā'ti vadāmi

bjt page 242 x 242

pts page 477 q 477

- 13. nāham bhikkhave sabbesamyeva bhikkhūnam appamādena karanīyanti vadāmi. nam panāham bhikkhave sabbesamyeva bhikkhūnam nāppamādena karanīyanti vadāmi. ye te bhikkhave bhikkhū arahanto khīnāsavā vusitavanto katakaranīyā ohitabhārā anuppattasadatthā parikkhīnabhavasannojanā sammadannā vimuttā. tathārūpānāham bhikkhave bhikkhūnam nāppamādena karanīyanti vadāmi. tam kissa hetu: katam tesam appamādena abhabbā te pamajjitum,
- 14. ye ca kho te bhikkhave bhikkhū sekkhā appattamānasā anuttaram yogakkhemam patthayamānā viharanti. tathārūpānāham bhikkhave bhikkhūnam appamādena karanīya'nti vadāmi. tam kissa hetu: appevanāmime āyasmanto anulomikāni senāsanāni paṭisevamānā kalyāṇamitte bhajamānā indriyāni samannānayamānā yassatthāya kulaputtā sammadeva agārasmā anagāriyam pabbajanti, tadanuttaram brahmacariyapariyosānam diṭṭheva dhamme sayam abhiññā sacchikatvā upasampajja vihareyyu'nti. imam kho aham bhikkhave imesam bhikkhūnam appamādaphalam sampassamāno appamādena karanīyanti vadāmi.
- **15.** sattime bhikkhave puggalā santo saṃvijjamānā lokasmiṃ. katame satta: ubhatobhāgavimutto paññā-vimutto kāyasakkhī diṭṭhappatto² saddhāvimutto dhammānusārī saddhānusārī.

<sup>&</sup>lt;sup>2</sup>ditthippatto (sīmu, machasam, syā)

- 16. katamo ca bhikkhave puggalo ubhatobhāgavimutto: idha bhikkhave ekacco puggalo ye te santā vimokkhā atikkamma rūpe āruppā te kāyena phassitvā³ viharati, paññāya cassa disvā āsavā parikkhīņā honti. ayam vuccati bhikkhave puggalo ubhatobhāgavimutto. imassa kho aham bhikkhave bhikkhuno na appamādena karanīyanti vadāmi. tam kissa hetu: katam tassa appamādena abhabbo so pamajjitum.
- 17. katamo ca bhikkhave puggalo paññāvimutto: idha bhikkhave ekacco puggalo ye te santā vimokkhā atikkamma rūpe āruppā te na kāyena phassitvā<sup>4</sup> viharati, paññāya cassa disvā āsavā parikkhīṇā honti. ayaṃ vuccati bhikkhave puggalo paññāvimutto. imassa pi kho ahaṃ bhikkhave bhikkhuno na appamādena karaṇīyanti vadāmi. taṃ kissa hetu: kataṃ tassa appamādena abhabbo so pamajjituṃ.
- 18. katamo ca bhikkhave puggalo kāyasakkhī: idha bhikkhave ekacco puggalo ye te santā vimokkhā atikkamma rūpe āruppā te kāyena phassitvā viharati, paññāya cassa disvā ekacce āsavā parikkhīņā honti. ayam vuccati bhikkhave puggalo kāyasakkhi. imassa kho aham bhikkhave bhikkhuno appamādena karanīyanti vadāmi. tam kissa hetu: appevanāma ayamāyasmā anulomikāni senāsanāni patisevamāno kalyānamitte bhaja-

<sup>&</sup>lt;sup>3</sup>pusitvā (sīmu, machasaṃ, syā)

bjt page 244 x 244

<sup>&</sup>lt;sup>4</sup>phusitvā (sīmu, machasam, syā)

pts page 478 q 478

māno indriyāni samannānayamāno yassatthāya kulaputtā sammadeva agārasmā anagāriyam pabbajanti, tadanuttaram brahmacariyapariyosānam diṭṭheva dhamme sayam abhiññā sacchikatvā upasampajja vihareyyāti. imam kho aham bhikkhave imassa bhikkhuno appamādaphalam sampassamāno appamādena karanīyanti vadāmi.

- 19. katamo ca bhikkhave puggalo ditthappatto: idha bhikkhave ekacco puggalo ye te santā vimokkhā atikkamma rūpe āruppā te na kāyena phassitvā viharati, paññaya cassa disvā ekacce āsavā parikkhīnā honti. tathāgatappaveditā cassa dhammā paññāya voditthā honti vocarita, ayam vuccati bhikkhave puggalo ditthappatto<sup>5</sup>. imassa pi kho aham bhikkhave bhikkhuno appamādena karanīvanti vadāmi, tam kissa hetu: appevanāma ayamāyasmā anulomikāni senāsanāni paţisevamāno kalyāṇamitte bhajamāno indriyāni samannānavamāno vassatthāva kulaputtā sammadeva agārasmā anagāriyam pabbajanti, tadanuttaram brahmacariyapariyosanam dittheva dhamme sayam abhiñña sacchikatvā upasampajja viharevyāti. imam kho aham bhikkhave imassa bhikkhuno appamādaphalam sampassamāno appamādena karanīvanti vadāmi.
- **20.** katamo ca bhikkhave puggalo saddhāvimutto: idha bhikkhave ekacco puggalo ye te santā vimokkhā atikkamma rūpe āruppā te na kāyena phassitvā viharati,

<sup>&</sup>lt;sup>5</sup>ditthippatto (sīmu, machasam, syā)

paññāya cassa disvā ekacce āsavā parikkhīṇā honti. tathāgate cassa saddhā niviṭṭhā hoti mūlajātā patiṭṭhitā. ayaṃ vuccati bhikkhave puggalo saddhāvimutto. imassa pi kho ahaṃ bhikkhave bhikkhuno appamādena karaṇīyanti vadāmi. taṃ kissa hetu: appevanāma ayamāsasmā anulomikāni senāsanāni paṭisevamāno kalyāṇamitte bhajamāno indriyāni samannānayamāno yassatthāya kulaputtā sammadeva agārasmā anagāriyaṃ pabbajanti, tadanuttaraṃ brahmacariyapariyosānaṃ diṭṭheva dhamme sayaṃ abhiññā sacchikatvā upasampajja vihareyyāti. imaṃ kho ahaṃ bhikkhave imassa bhikkhuno appamādaphalaṃ sampassamāno appamādena karaṇīyanti vadāmi.

21. katamo ca bhikkhave puggalo dhammānusārī: idha bhikkhave ekacco puggalo ye te santā vimokkhā atikkamma rūpe āruppā te na kāyena phassitvā viharati, paññāya cassa na disvā āsavā aparikkhīņā honti, tathāgatappaveditā cassa dhammā paññāya mattaso nijjhānam khamanti. api cassa ime dhammā honti, seyyathīdam: saddhindriyam viriyindriyam satindriyam samādhindriyam paññindriyam. ayam vuccati bhikkhave puggalo dhammānusārī. imassa pi kho aham bhikkhave bhikkhuno appamādena karanīyanti vadāmi. tam kissa hetu: appevanāma ayamāyasmā anulomikāni senāsanāni paṭisevamāno kalyāṇamitte bhajamāno in-

bjt page 246 x 246

pts page 479 q 479

<sup>&</sup>lt;sup>6</sup>reading na disvā, since disvā implies that the āsavā to be destroyed by seeing have been destroyed (see Majjhimanikāyo 1.1.2. Sabbāsavasuttaṃ). <sup>7</sup>ekacce āsavā parikkhīnā (machasam, syā)

driyāni samannānayamāno yassatthāya kulaputtā sammadeva agārasmā anagāriyam pabbajanti, tadanuttaram brahmacariyapariyosānam diṭṭheva dhamme sayam abhiññā sacchikatvā upasampajja vihareyyāti. imam kho aham bhikkhave imassa bhikkhuno appamādaphalam sampassamāno appamādena karaṇīyanti vadāmi.

katamo ca bhikkhave puggalo saddhānusārī: idha bhikkhave ekacco puggalo ve te santā vimokkhā atikkamma rūpe āruppā te na kāyena phassitvā viharati, paññāva cassa na<sup>8</sup> disvā āsavā aparikkhīnā honti. tathaqate cassa saddhamattam hoti pemamattam. api cassa ime dhammā honti. seyyathīdam: saddhindriyam viriyindriyam satindriyam samādhindriyam paññindriyam, ayam vuccati bhikkhave puggalo saddhānusārī, imassa pi kho aham bhikkhave bhikkhuno na appamādena karaņīyanti vadāmi. tam kissa hetu: appevanāma ayamāyasmā anulomikāni senāsanāni patisevamāno kalyānamitte bhajamāno indriyāni samannānavamāno vassatthāva kulaputtā sammadeva agārasmā anagāriyam pabbajanti, tadanuttaram brahmacariyapariyosānam dittheva dhamme sayam abhiññā sacchikatvā upasampajja viharevyāti. imam kho aham bhikkhave imassa bhikkhuno appamādaphalam sampassamāno appamādena karanīyanti vadāmi.

<sup>&</sup>lt;sup>8</sup>reading na disvā, since disvā implies that the āsavā to be destroyed by seeing have been destroyed (see Majjhimanikāyo 1.1.2. Sabbāsavasuttaṃ). pts page 480 q 480

- **23.** nāhaṃ bhikkhave ādikeneva aññārādhanaṃ vadāmi. api ca bhikkhave anupubbasikkhā anupubbakiriyā anupubbapaṭipadā aññārādhanā hoti.
- 24. kathañca bhikkhave anupubbasikkhā anupubbakiriyā anupubbapaṭipadā aññārādhanā hoti: idha bhikkhave saddhājāto upasaṅkamati, upasaṅkamanto payirupāsati, payirupāsanto sotaṃ odahati, ohitasoto dhammaṃ suṇāti, sutvā dhammaṃ dhāreti, dhatānaṃ dhammānaṃ atthaṃ upaparikkhati, atthaṃ upaparikkhato dhammā nijjhānaṃ khamanti, dhammanijjhānakkhantiyā sati chando jāyati, chandajāto ussahati, ussahitvā tuleti, tulayitvā padahati, pahitatto samāno kāyena ceva paramaṃ saccaṃ sacchikaroti, paññāya ca nam pativijjha passati.
- 25. sāpi nāma bhikkhave saddhā nāhosi. tampi nāma bhikkhave upasaṅkamanaṃ nāhosi. sāpi nāma bhikkhave payirupāsanā nāhosi. tampi nāma bhikkhave sotāvadhānaṃ nāhosi. tampi nāma bhikkhave dhammasavanaṃ nāhosi. sāpi nāma bhikkhave dhammadhāraṇā nāhosi. sāpi nāma bhikkhave atthūpaparikkhā nāhosi. sāpi nāma bhikkhave dhammanijjhānakkhanti nāhosi. sopi nāma bhikkhave chando nāhosi.

bjt page 248 x 248

<sup>&</sup>lt;sup>9</sup>odahitasoto (sīmu)

<sup>&</sup>lt;sup>10</sup>ussāhetvā (machasaṃ)

<sup>&</sup>lt;sup>11</sup>padahitatto (sīmu)

<sup>&</sup>lt;sup>12</sup>ativijja (machasaṃ, pts)

<sup>&</sup>lt;sup>13</sup>tampināma (sīmu)

sopi nāma bhikkhave ussāho nāhosi. sāpi nāma bhikkhave tulanā nāhosi. tampi nāma bhikkhave padhānam nāhosi, vippatipannā'ttha bhikkhave, micchāpatipannā'ttha bhikkhave. kīvadūrevime bhikkhave moghapurisā apakkantā imasmā dhammavinayā,

atthi bhikkhave catuppadam veyyākaranam vassudditthassa viññū puriso na cirasseva paññāyattham ājāneyya. uddisissāmi vo bhikkhave. ājānissatha metanti. ke ca mayam bhante, ke ca dhammassa aññātāroti. yopi so bhikkhave satthā āmisagaru āmisadāyādo āmisehi samsattho viharati, tassapayam evarūpī panopanaviyā na upeti. evañca no assa, atha nam kareyyāma. na ca no evamassa, na nam kareyyāmāti. kimpana bhikkhave yam tathāgato sabbaso āmisehi visamsattho viharati. saddhassa bhikkhave sāvakassa satthusāsane pariyogāya<sup>14</sup> vattato ayamanudhammo hoti: satthā bhagavā, sāvako hamasmi. jānāti bhagavā, nāham jānāmīti. saddhassa bhikkhave sāvakassa satthusāsane pariyogāva vattato rumhaniyam<sup>15</sup> satthusāsanam hoti ojavantam, saddhassa bhikkhave sāvakassa satthusāsane pariyogāya vattato ayamanudhammo hoti: ' kāmam taco ca nahāru ca atthi ca avasissatu upasussatu sarīre mamsalohitam. yam tam purisatthāmena purisaviriyena purisaparakkamena pattabbam, na tam apāpunitvā viriyassa satthānam bhavissatī'ti. saddhassa bhikkhave sāvakassa satthusāsa-

<sup>&</sup>lt;sup>14</sup>pariyogāhiya (machasaṃ); pariyogayha (syā) pts page 481 q 481

<sup>&</sup>lt;sup>15</sup>rūlhanīyam (machasam, syā)

15

ne pariyogāya vattato dvinnam phalānam aññataram phalam pāṭikaṅkham: diṭṭheva dhamme aññā, sati vā upādisese anāgāmitāti.

**27.** idamavoca bhagavā. attamanā te bhikkhū bhagavato bhāsitam abhinandunti.

## kīţāgirisuttam dasamam.

bhikkhuvaggo dutiyo

tassa vaggassa uddānam

kuñjara rāhula sassata lokā māluṅkyaputto ca bhaddāli nāmo khuddadijātha sahampati yācaṃ nālaka raññikīṭāgirināmo.

bjt page 250 x 250

bjt page 252 x 252